



Tuhaqtitauyughaq

Ilitturipkainiq Uqauhikkut Maligaq

Iqaluit, Nunavut (June 5, 2007) – Nunavuttip havagutiit hivumuktirumaningani Inuit Uqauhia angiyumik havangniqaqtuq uplumi talvuuna hivulliqmik taigunngigani Maligaliuqviki taffumani Nunavut Kavamatkut hivulliqpaanguyumik uqauhikkut maligaqmik. Hon. Louis Tapardjuk, Minista Pitquhiliqyitkunni anginiqaqpiyaqtumi ilitturipkakaiyuq uminga havaktauhimayumik-Nunavunmi *Ilitariyauhimayunut Uqauhinut Maligaq* unalu *Inuit Uqauhinginnut Tammaqtailinirmut Maligaq*.

“Una maligaq naunaiqtihimayaa Nunavut allangayuq atanniqtuiniqarvik ilauni Kanadami, tahamani Inuit Uqauhia hivulliuyuq atuqtaulluarumayuyuqlu uqauhiq amigaitqiyaani Nunavunmiunnit. Iltarihimayaa piyumanig pitjutigiyauniqlu Inuinni atuqninginni uqauhingni tamainni inuuhirmingni,” uqaqtuq Tapardjuk. “Talvuunalu piniarhimanigaytuq naahimayunik atjikkiikniqarnirik Inuit uqauhianik, Qaplunaatut, Uuututlu, nunaup pingahuit ilitariyauhimayut uqauhingit.”

Pinasuaqtavut-mi, Nunavut Kavamatkut piyumayaat piliurlugu Inuit Uqauhia havaknirmikkut uqauhigilugu. Tamna maligaq pigiyayuq ihuaqtumik huliitjutimik talvunga piningani umani tikittumatjutigiyauyumi 2020-kut. Nunavut Kavamatkuuni havaktiit pitjutiqarniaqtuq havagiamiknik havaamingnik Inuit Uqauhikkut. Huliitjutiit kitkunnut aulahimaniaqtut hailihimalutik tamainni ilitariyauhimayuni uqauhini.

“Nunavut munarittiarnighaqaqtuq piyaangani tavungaraaluq tammaqtailiniani Inuit uqauhiani, pitquiningani atuqningani pivallialiurningani tamainni Nunavuttip inungniqarninginni. Iqihimayavut havaknivut tautuktipkaininginni tautukhumanii Inuit ihumagittiarhugitlu tikitaghavut ataani Article 32-mi talvani Nunavut Nunatarnikkut Angirutimi.” “Una nutaaq maligaq tunihimayuyuqlu uktukvighamik Kanadamut upautiffaarutighamik uqauhikkut hulaqtutjutiqanik piliurningani Nunavut, nutaanguqtirlugulu piyumaningani Uuutitutmut taffumungalu Inuit Uqauhiinnut umani allangayumi piviptingni,” uqaqtuq Taparyuq.

Tapkuat malguuk Maligaghat takupkaqtitauniaqtuq tapkununga Ajauqtiit Katimayiralaanguinnaqtunut ihivriuqtaghainnut.

-30-

Allanik ilitturipkaitjutighanik hivayatjavat:

Leevede Atagoyuk, Tuhaqtauyughani Atannguyauullaktuq

Pitquhiliqyikkut

(867) 975-5512

Qaritauyakkut: latagoyuk@gov.nu.ca